

觀

象

玩

占

觀象玩占卷之五

日月五星與客等相干犯占

客星明奪日光其氏曰天下有立王

日上下有星環之外人謀弑逆奸在後宮或曰公卿大臣為夷狄所俘

客星入月中有兵喪破軍殺將一曰內亂大臣死一曰不出三年人亡

死京房曰臣賊君奪其家

客星食月其國相死軍破

客星與月同光臣作威民非其主令不行

客星入月大兵大飢天下亂月無光其分國亡入而不出國遂亡

出之亡國優立

彗孛拂月兵大起臣專政有逐君死將亡國

歲星與客星合人主不安有賊

歲星與客星閼其國易相有星來守歲主人憂

熒惑與客星合闔天下兵起

熒惑出東方行而西有小星觸之即去所宿之國受兵

熒惑之陰有小星相去四寸以內諸侯陰謀

熒惑之陽有小星相去四寸以內有小兵

熒惑之旁有二小^星一在東一在西皆四寸以內諸侯橫

癸惑貫小星殺小將

鎮星旁有小星守之臣欲弑逆小星入鎮星中其事立成小星
去臣利鎮星往復小星臣伏誅小星在東方則事在東方西
南北亦如之各以所在宿命國

鎮星與客星聞其國亡地兵敗將死

太白旁有小星相去數寸若尺期八十日邊地有戰

至歲日太白夕出西方以入月四日候之旁有小星附之若去之一
尺若二尺客軍在外者罷期六十日一日客兵敗有將死

太白在東方有小星去之二三尺兵在外罷期二十日

太白出有小星隨而環之命曰聚兵逆臣亂國 却萌占曰

太白在西方有小星近太白軍在外戰入日軍在外有小赤
星出太白陰相去四寸陰國伐利出太白陽相去四寸陽國伐
利皆為戰將不利荆州占曰太白出有小星見其陰相去四寸以
內者諸侯有陰謀

客星入太白中國以戰亡其氏曰天子伐諸侯武士大將死有星從
所未止太白旁却萌曰有急事一日色亦有事大急

太白與客星過太白避客星兵慌客星避太白兵强客星入
太白强國來伐其國凶

辰星與客星合天下亂

辰星與客星闕大國宮中有事石

氏曰天下大亂兵起

客星入辰星巫咸曰天下大水大理御史官死荊州占曰客星入
辰星大臣被刑獄事大興石氏曰辰星與客星會合光相
薄其灾乃成不相及不害

孛星干犯五星天下起兵大戰天子亡

五星相從占

凡用兵伐人之國謹候五星動止違之者有咎守之者吉無不利
歲星所在填星從之不可伐 熒惑辰星從之不可伐太白從之可伐

填星所在辰星從之不可伐

熒惑歲星從之可伐

太白所在熒惑從之可伐

熒惑所在太白從之可伐

填星歲星從之不可伐

辰星從之可伐

辰星所在填星從之可伐言其可伐者則其餘星皆不可伐也

無星從之不用此占

五星合關占

凡五星之內二星同宿為合三星以上為聚合之宿相生則吉事與相克則凶事起聚則以為福德先至為吉刑禍先至為凶福德先去為凶刑禍先去為吉一吉一凶兩事俱發但以脩德待之

五星合是謂易行改立王者有德受慶子孫蕃昌奄有四方無德受殃離其國家毀其宗廟百姓流離被滿四方五星皆大者大皆小事小五星早出為盈盈者為客為出為縮縮者為主入五星所聚其國得天下從歲星以為從熒惑以禮鎮星以重從太白以兵從辰星以各以其事致天下又曰五星所聚其下起兵若五星聚為一舍而芒角其中所聚之國亡地

五星相薄天下紛爭甲兵作有大戰相去三尺破軍殺將流血滂滂百姓飢亡相近愈甚五星相去三尺以外七尺以內相望相守十日以上至四十日天下兩主爭國斯三年遠七年有德勝五星

相聚而皆逆行其事逆臣辱主國

五星聚而聞天下大戰冠賊並起民庶流離夷狄為主

漢高帝入秦之先五星聚東井從歲星也客謂張良曰東井秦地也漢王入秦五星從歲星聚當以義取天下

唐玄宗天寶九年八月五星聚于尾箕熒惑先至而又先去尾箕
燕分其後安祿山反于燕按五星聚見于說者至唐有四周武
三

齊桓公將罷五星聚于箕

及漢元年唐天寶九年是也伐殷而王更紀也齊桓雖不改

物實行天子之事自是周室之政遂歸諸侯三王法度由此而
變終不復至漢高祖奄有天下大抵皆承秦制後代因之皆
易行大者也祿山作逆唐家紀綱由是大壞君臣夷狄夏不
復有辨罰星先至又不可與漢之從歲月者同日語矣

四星合是謂大盪、猶滌動也其國兵喪並起君子憂小人流
荊州占曰有德者昌無德亡又曰四星合相去三尺以內留守
之七日以上天下起兵國易姓九州謀殺人民大殘荊州占曰四
星合閭閻其閭梁女子運倉男子攻戰天下半亡

漢平帝元始四年四星聚于柳又聚于張各有五星柳張三河之

分其後有王莽赤眉之亂而光武中興都于洛

漢獻帝初平元年四星聚于心又聚箕尾其後李傕亂京師而黃金賊而黑山賊亂天下漢祚遂亡

晉懷帝永嘉六年四星聚于牛女後有聰勣之亂元帝于傷亡

晉安帝義熙三年二月癸亥火土金水四星聚于奎婁從鎮星其
分爲徐州是時慕容超僭號于齊兵連徐兗抄掠泗淮姚興
譙縱僭秦蜀盧循又寇犯京師劉裕于是起兵破盧循滅慕容
容平平秦蜀卒受晉禪

又九年三月木火土金聚于東井秦分也十三年劉裕滅秦

三星合是謂驚立絕行其國外有兵喪改立王侯有兵喪故曰驚立改立故曰絕行又曰民饑

三星合開天下動

木火土合郝萌曰在一舍為旱飢有土工一日國分土相去三尺以內守七日以上天下兵起五谷大傷人相食七寸以內名曰芒交臣殺其君期八十日火土水合女子為天下害大臣逆

木金土合其國兵起不戰鎮星色赤黃為旱蒼民疾疫春多死亡荊州占曰木土金參會同舍相去三寸國有女喪有白衣會兵起大戰相去七寸以內曰交芒將軍與后謀弑其君

火土金合天下有大謀 木金火合弑大將天下皆有兵三王

鼎足其分國亡

金火土合其國戰不勝亡地

木土水合用事當之天下開牢大赦

漢文帝後六年木火木合于東井秦分也是歲誅反者周殷長

安市明年六月帝崩

景帝元年七月乙丑金木水合于張是歲立六黃子為王其三
年七國反周亞夫滅之

靈帝光和三年十月木火金合于虛相去五六寸如連珠明年

瑯琊王據夢

獻帝建安十八年秋木火土俱入太微逆行留守百餘日占曰
天下易主漢遂以亡

晉惠帝元康三年木金土三星合于壁昴趙地也其後賈后陷
殺太子趙王倫殺后篡位天下遘亂由此而起

唐憲宗元和九年十一月火土金合于女十二月土金水合于
危女虛危齊分是時淄青李師道叛其後卒討平之

二星合為更政事革令其分有兵君憂人愁歲星熒惑陽也太
白辰星鎮星陰也陽主中邪陰主外邪陰與陽合中外連兵
陽與陽合兵謀在中國陰與陰合兵謀在外國又曰相近曰

其殃大相遠曰令其殃小

木與火合為氣為旱一曰相走一曰六臣匿謀有反者主亡地
國有水天官書曰為內亂臣謀主戰北軍國

木火合相去七寸以內光芒相及臣害君却萌曰火木同舍相
去三尺以內相守七日以上其國有反臣五谷傷民不安期
年二尺以內相守七日二十日人主絕嗣兵起國滅內戚相
殘期一百八十日荊州占曰木火同舍相去二尺以內相守
二十日己上至百日其國更主天下交爭存亡者半若守久
逆行而復相守以所近宿位當之軍略曰木火相合去一尺

內天子有疾不安也

木火合而相守其國君憂有大赦近二年遠三年

木火相守十日以上國內貴人亂木火合火在木北有軍兵戰
火在木南偏將戰客軍憂

木火合于一舍火在木上名曰子母同光其國太強留之一百
日不变色失次其國且以重德致天下

木火合于宿之陽母子同鄉其國安合于宿之陰兵起

木火合行疾兵起之戰不勝荊州占曰熒惑當出見而近歲星
出其北天下有急兵出其南有惡謀在

木火接芒於東方宰相人主計不是不出三年大兵起

木火接芒於西方國有憂明年春失農時

木火合星色俱青為疾赤為兵黃為旱白為喪黑為飢芒角接

人飢貽尽

木火接合有走王者在合東行己合而行又合木火合關乙己

占曰殺大將

木火合為內亂為飢為變謀更事人主失勢又曰木土合其宿

一國戰不勝亡地主死郝萌曰木土合井泉高平原出一云歲

不合有大水又曰天下易令民流千里魚鱉陸死民若盜賊

其分國不可戰戰必敗

木土合相守十日天且降禍不易者受其殃

木與土合一舍木在上土在下名曰雌雄間客軍大敗主人勝
六十日不下有空亡國從亡却萌曰木土同舍相去三尺以
內守相二十日以國更主天下大爭大臣相仇天子易統天
下存亡者半

木土同出其宿國亡同入宿其國得地

木土皆出東方夕入西方百九十日皆正中者兵發東方之國
勝當入而不入反行東九十日正中者當發兵主死流亡

木土合有兵相守土在木下利客土在木上利主人

木金合為水飢為疫為有白末會芒相接有兵兵戰殺將無兵起或曰有軍則先起者勝金在木南以兵飢金在木北以水飢皆以國亡金木同光大戰殺大將不合光兵起不戰金木同在一舍其分有蝗虫生

木金合相去一尺天下有兵不出四十日必戰星色青東方勝色白西方勝色黑北方勝武密占曰金木合相去五尺有兵戰三尺有破軍二尺有拔城一尺治兵先芒相接大戰無軍在外則兵大起

金木合相去三尺相守七日以上將軍誅死

木金合三尺以內七寸以外木出金左有年出金石年飢以合
之日占五谷之有無甲乙為麥丙丁為黍戊己為粟庚辛為
稻壬癸為豆 天文志曰金與木合金在南歲困有亡國天
子失地一曰歲或有或無

木金合于東方木在北金在南陰陽合為年豐

木金合于西方木在金位其名曰代其國凶有白末會年飢正

歲曰金木俱出東方若併入西方王者亡地

金木相合有兵罷無兵兵起乍東乍西有遂將相海中占曰太白

出歲星北客勝歲星出太白北主人勝荊州占曰歲星隨太白出于南方光怒必戰破軍殺將若環繞之有亡主無兵在外則兵起相走 軍列曰金木一東一西害王侯一南一北乃伏金木合金從木疾主人急木從金疾客急

金木合聞乙己占有大兵

木水合為變謀更事其國多水民飢軍略曰水水合為內亂有軍在外不利先起者若相守七日至四十日人流亡光芒相反則將與后謀其軍

荊州占曰木水合為白衣會木水合一曰將死光芒相接天下

民流水泉湧出有女主喪

漢景帝中三年正月丁亥金木合于紫其年五月甲午金木俱出井戊戌金去木留之二十日占曰木為諸侯傷成于戊誅將行于諸侯也其後梁王累被按驗布車入關伏斧鉞諸罪乃免其六年梁王死城陽濟陰王亦薨天子白衣臨邸

晉元帝大興二年七月甲午木火合于東井八月乙未金木合翼三年六月丙辰金木合于房

永康元年王敦反六軍敗績

康帝建元七年木火合于奎其年劉顯殺石祗及諸胡中土大亂

周武帝天和二年閏六月丁酉木金合于柳周分也是歲陳相
州刺史華皎帥衆降遺兵援之戰于沌口大敗地沒于陳

火土合國憂主走為內亂為兵一曰大旱大人忌之一曰女為
天下害一曰女主憂兵起又曰其下天地有破國一曰其國
不可舉事用兵石氏曰火土所含宿國飢戰不勝

火土合火去而土復來繞環之不出六年中國主亡

火土合土在上火在下名曰逆其國防外兵土在火下各不動
名曰子母同光其國得地益強若同上有民有異心兵起更
主一曰土在火上光芒相接女主憂

火土合火入土光中將相死 火金合曰爍為喪不可舉兵用事
火金合金在火上所在之國且有義致天下一曰金居火上其國
用兵三十日不去天下三年兵起六十日不去其下有空國
金先居火上而復出火下其國有反臣

金火合金在火左右其國大敗荊州占曰火在金前後左右成
戰客勝金在火東無兵兵起不出三月

金火合火入金光芒中火在南有大旱戰則小將死在金為水
火與金合金從火有兵兵罷火從金兵大起
火從金而金無光火赤而光所入宿受兵國亡地

火隨金行七日以上追及金相去尺以下大臣死其分旱其國
受兵戰敗亡地一日金火相隨而行所入宿國君死人飢流
亡道上多死人國亡

郝萌曰火金合而金起芒角居火上主國用兵戰勝

火入金出其陰不有分軍必有他急

火與水合曰淬其國不可舉事用兵有兵在外不利先起一曰

水火合大旱赤地千里國主走秋合有兵冬合有喪一曰火

水合將死

火水合于東方臣謀主合于西方不出九十日宮內有爭曰水

火合于東方水色白而大兵在外割地為和從前國大病從旁小病火水合宿相去三尺大人當之有大赦

火與水合石氏曰在他特為萍在冬為刑 荊州占曰水火同行若不有兵疫癘流行

大金水命曰自伐不可用兵必有大敗覆其國家以及其君出漢景帝中五年四月乙巳水火合于參占曰國憂參梁也其六年四月梁孝王薨殤平延年正月丁酉金火合于婁八月殤帝薨

晉愍帝建興元年五月癸未火金合于東井其後劉聰破京師

帝降于虜廷

晉帝建隆元年二月火木合于羽林軍四月王莽反叛

安帝義熙九年二月丙午火土同入東井三年劉裕滅秦

宋文帝元嘉二十三年正月金火合光相燦其年魏人大入青

冀抄掠一空

孝武帝大明五年正月火土合于須女占曰女主惡之其後文

穆皇后崩

土與金合為疾為喪為內亂兵起國亡地相守數拾日不去后

有內亂軍略曰土在金南一尺女主死若行去宿遠君不立后

金土合金在土南年谷大熟金在土北歲凶又曰土金同宿金在土上不出二月民流一曰土金合為水土在金北去之母子同光其年大豐民安人主壽昌

金土合土色青春多死喪亦為兵黃為旱

土與金同出其分國得地

土水合為壅阻主命不知其國不可舉事用兵有復軍一曰土水合為變謀更事又為旱為陰謀乙巳占曰有兵為戰其分將死軍敗無兵為內亂一曰若有兵戰則客軍敗武家占曰水土合女主死女子亂國主出走天下受其害

水土合水色白而大天下兵外者割地相和

水土為雌雄周出之宿為失地同入而宿為地水逐土而和國有土功田役非法姦臣所為誅之言

漢文帝後六年土金合于危齊分也其後膠東菑川濟南王反國滅齊王亦自殺

齊宣王天保十年六月庚子土犯井鉞與太并占日子為玄楊齊分也其明年常山王殺楊惜等逐廢少帝

陳廢帝光大元年八月壬午土水合于軫九月戊午金水相犯二年九月庚戌太白逆行與鎮星合于角十二月帝廢為臨海王

金水合為兵憂為變謀又曰邊兵戰

金水同日出東方東方有兵同日出西方有兵

金水并出東方利舉兵西伐東軍勝金水并出西方利舉兵東

伐西軍勝

金水俱出東方或俱出西方客主相見有兵必戰無兵則兵起
金水各出一方為格雖有兵不戰

凡有軍在外謹候太白辰星太白出辰星不出太白為客辰星
出太白為主入出而與太白不相從不戰辰星太白不出辰
星為客太白出辰星為主入一出不出為主客不倍野有

軍不戰其出野一東而一西不戰若俱出一方而異宿軍雖相近不戰必合宿乃戰相交乃有大戰太白辰星俱出東方不相近二十日至三十日辰星不入東方南國有兵不戰至春夏皆兵起

辰星太白俱出西方不相近二十日至三十日辰星不入西方北國有兵

太白辰星同出東方皆赤而角瀕海國大敗中國勝

太白辰星同出西方皆赤而角瀕海國大勝中國敗

辰星隨太白出東方天下無兵期六十日太白出星北客勝辰

星出太白北主人勝

辰星太白俱出東方色黑外國利中國不利

辰星隨太白出西方天下有兵不戰亦不解辰星居其前兵罷
若抵太白環繞之居酉北陰國兵起居酉南陽國兵起期半
年兵在外則戰利客不利主人

太白隨辰星出西方無兵兵起期六月兵客利相去可四尺客
亦利不戰則兵未解

辰星入則兵罷太白出東方辰星居其前不去至十五日若二
十日而入陰國國兵滅不戰客去則罷

辰星出居太白前不去十五日若二十日而入陰國兵滅客去則

兵罷

太白出東方若西方辰星居其後二十日兵起

辰星居其前十五日兵罷

辰星入太白左小戰壓太白右數萬人戰主吏死

辰星遇太白三尺軍急約戰出太白北小戰主人勝出太白南大

戰客勝

辰星遇太白其間可容劍小戰客勝居太白前三日軍罷出太白

左小戰出太白右大戰

辰星來抵太白不去將死正旗上出客勝不出客兵敗

太白辰星相遇太白避之客強主人畏客太白出辰星右而居
其前主人利遂入之主人大利

辰星入太白血強客畏主人辰星入太白血而居其前客利遂
入之主人不利客大勝

辰星入太白血五日而上出破軍殺客勝不出客敗

凡太白辰星合太白血居右辰星居左主人勝辰星居右太白血
左客勝天下無兵辰星在東方若西方若太白前水官兵有

滅者

金水俱出西方水居金前相近間可容劔在酉北陰國有謀以戰則主人勝在酉南陽國有兵謀以戰則客勝

太白辰星舍在酉南南國之事在酉北北國之事正酉為中國之事

太白辰星俱出東方太白先出辰星後出踰太白而去有臣背主不出其年

太白先出辰星後出太白南大潦出太白北大旱

太白辰星同出辰星移而南大水移而北大旱

太白辰星一南一北害於黍稷王侯憂

漢景帝元年正月癸酉金水合于婺女其七月乙丑金木水三星合于張女吳越之分其三年吳王反兵敗亡走粵人殺之陳宣帝大建十二年十二月癸酉水在金上甲戌金水交相掩占曰大兵在野大戰明年楊堅篡國又明年宣帝崩陳亦亂周武帝建德元年七月丙午金水合于井相去七寸後半年伐齊大戰滅之

唐太宗貞觀十八年五月太白辰星合于東井明年帝觀征高麗五星開有軍在野大戰破軍殺將無軍則為內亂武察曰星開天下亂有亡國

木與火合開有病君飢歲一日夷狄之害一日殺將其分不可舉
兵一日臣子為逆兵飢病作荊州占曰不出其年強國為相有內亂
木與金開有大兵一日國有內亂野有破軍又曰無兵兵起有
兵兵戰其國旱飢不可舉又曰夷狄內侵有易相又曰人流
亡有亡國一日兵在外為亂又曰兵在外戰敗荊州占曰相
為亂有滅諸侯民多死亡一日有土功

金木開于東方有兵在外必戰開于西方有亡國死王又曰其
年八月兵起流血

木與土開不出一年其主者亡地將軍死之一曰其國不可舉

兵先作事敗又曰不出三月亡國荊州占曰天下哭泣相望期不出六十日又曰易相一曰星色青為喪赤為旱兵黑為水黃為土功

水與水聞有軍在外必戰軍不在外為內亂將死一曰亡國不出

三年

火與金聞其野有破軍殺將一曰有戰兵不在外而在內大戰將死歲大飢人上伐國大亂以亡一曰有亡諸侯

金火春聞其歲旱夏聞內主易秋聞兵大起冬聞有女喪王者

憂將軍死

火與水開國暴敗荊州占曰女為天下害又曰水火開于東方
臣伐主開于西方宮中有亂一曰水火開將死其野有大水
火與土開其國子弟為亂巫咸曰不出其年有亡國荊州占曰
有叛臣作亂兵起一曰王者亡地將軍死之主以孽為憂其
下有圖邑

土與金開期九日有憂王者亡地一曰有兵喪更立王侯荊州占
曰臣謀主有兵起又曰土金開東方臣伐君開西方強國宮
中有亂一曰女主為亂皆期九十日

金與水開其國內亂兵起軍在外破大將死一曰先起兵者凶

若環繞之大戰一日不出其年有改王一日有反臣甘氏曰
金水關其分國大戰一日有大戰無兵在外則兵大起荊州
占曰金水相遇而開辰星不勝燕趙大有憂太白不勝秦有
憂不勝者其光分或散劍芒失色皆為不勝

土與水開軍在外則戰有死將無軍為內亂兵一日水土開關梁道
晉惠帝永寧二年十二月火金關于虛危于是齊王冏專傲無君都
河間長沙三王合謀討之冏敗三王又相屠戮晉遂亂也

後魏太常六年十月乙酉金土開于元年奚金圖虎牢五月己
未陷之軍中大疫死者幾半

唐玄宗天寶十四年二月金火聞于畢昴之間于井鬼至四月
乃復於是安祿山反之

唐德宗建中二年六月火金聞於井於是朱泚反帝出奔又為
李懷光所逼并京師分也

五星合聚占

凡五星合聚福德先至者言刑禍先去者言其去也刑禍先去
者言福德先去者言福德者水土也刑禍者火水金也一日
福德刑禍皆以所合聚之地言之若在水鄉則為福德火鄉
土為福德其福彌深或木在金鄉土入木鄉為福亦淺又得

以次相生乃為全吉如土先在巳午之地而金水木火相次而從之其福必大反此者未可言吉四星五星則以此論三星不用此占

五星聚惟土星有芒角所舍之國火凶

凡五星至土星相合聚其間火失光為兵喪為旱木失光人主惡之土失光女主惡之金失光兵起亦為喪水失光為大水以日占國

五星相干犯占

歲星犯熒惑為旱為飢有兵大戰 歲星觸犯熒惑其國亂歲

星食熒惑不出三年國亡 歲星守熒惑地動一日大赦

歲星犯填星太子憂 歲星觸填星太子疾有赦

歲星守填星大臣相滅天下交爭一日有兵戰主人吏死其國大
穰一日土木交行必有破傷

歲星與填星相犯其地有王者興除舊布新

歲星犯太白有兵大戰一日相死一日大臣黜女主喪一日其分
草再生將軍誅無將軍則不出四十日有拜將

歲星乘太白有戰邊將死 歲星觸太白四夷來侵

歲星守太白蠻夷叛四序不順陰陽與不和

歲星犯辰星有兵太子憂大臣誅民多病洩

歲星掩辰星有兵戰客將死滅之殺大將貫之薄之殺偏將觸
之主有病

歲星守辰星主憂有賊水退國不安大退則敗

晉安帝義熙七年七月丁卯歲星犯填星在參占曰亦州不利
亡地是時遣朱齡石伐蜀滅之

隨二世大業十三年五月土木相守在參晉地分也於是唐高
祖起晉陽唐興而隨亡

熒惑犯歲星冊太子有赦一曰兵戰一曰大臣相匿謀一曰塾

重冬出雷旱行禾不成荊州占曰有兵戰火出北天下急出
其南有謀在中一日姦臣有謀殺將

熒惑觸歲星主有太子天下受福

熒惑守歲星太子憂一日大赦守後火入三度其國大敗退三
度賊敗火貫水殺小將

水火相拂天下有爭言

熒惑犯填星兵起有大戰一日女主當之或曰火犯土土在下火
在上其國吉土在上火在下大臣憂一日火犯土土為旱火觸土
有兵人主病火入土將軍為亂火守土旱兵起一日殺太子

有內賊王者亡城守後火入三度國不安 三度則無咎火土
合已去而復來環繞之不出六年國亡一日暴獄不出三年天子
失位

災惑犯太白血亡天下憂兵起大戰金在南南邦敗在北北國敗

災惑隨太白血雖起不用其國且以武治天下

災惑觸太白血有暴賊

災惑經太白血軍憂離之軍却

災惑從太白血下上抵之不入軍急不戰

災惑出太白血陰有分軍出其陽有偏將戰主人軍敗若環繞太

白偏將死

熒惑入太白中上出破軍殺將出太白左右軍勝出左右軍勝
熒惑入太白將戮入之不出國亂主憂

熒惑環繞太白成勾已有大將死

熒惑抵太白不入亦不去客將死

熒惑摩太白而過有數萬人戰有破軍主人將死之

熒惑薄太白主人不利亡偏將

熒惑襲太白兵起相易一日軍亡

熒惑守太白主不安守其北太子憂守其南庶子憂守其後入三

度國大敗退三度火消火金相守流血溝野

熒惑犯辰星其國不可舉事用兵一曰有兵不戰一曰有兵者敗
熒惑觸辰星有異姓王

熒惑守辰星太子憂有赦守後入三度大兵聚其下退之水灾

漢成帝建始四年七月熒惑踰歲星居其東北半寸所入連李占
曰君飢有病歲至河平元年三月旱傷麥民食榆皮

順帝漢安二年六月乙丑熒惑犯填星占曰大人忌之明年八月帝崩
晉惠帝永平二年十二月熒惑襲太白于營室占曰天下兵起亡君之
戒一曰易相是時齊王囹專政無君成都河間長沙三王誅問之

後相承爭戰攻焚宮闕公私飢困天下遂淪于夷狄

穆帝升平二年八月戊午熒惑犯填星在張占曰兵大起五年十月丁卯熒惑犯歲星在室占曰大臣匿謀時桓溫擅權謀移晉祚

填星犯歲星內亂一曰其野有兵相攻

填星守歲星有大兵守後水退歲歉土退年豐有賊填星犯熒惑大人忌之若二星皆色赤或若俱無光或土在大芒內火在大芒皆為其國大臣死旱瀑節民物不成

填星犯太白為兵一曰大水草木死

填星犯辰星為旱為變謀更事一日將有危一日土犯水冬雷
虹出來年夏寒隕霜雨雪

晉惠帝光熙元年填星犯歲星是時司馬越專權內亂卒以滅亡
太白犯歲星王者有賊一日為飢相三年一日兵起一日為旱為
兵甘氏曰草再生再死海中占曰金出木北客利木出金北主
人利太白犯歲星若環繞之並無光有賊戰破軍殺將一日太
白環繞歲星有亡主太白血歲星后憂

太白觸歲星女主病 太白襲歲星敗死之

太白犯熒惑主病有兵大戰客敗太白在南南國敗在北北國

太白乘熒惑客軍隨之軍憂太白觸熒惑內有賊臣

太白守熒惑太子憂其間客指血滿其野若火退殺金退賊動

太白貫熒惑主人亡偏將 熒惑方行太白環繞之有破軍殺將

太白犯填星太子不安國有咎一日五谷不熟國飢人流

太白觸填星主憂一日人主放恣大臣相殘賊兵起

太白守填星金在土北天子失地守後金退臣憂土退主憂有賊

太白犯辰星國不安兵起一日金水相犯西方有人東方大虛殃及匹夫

太白觸辰星殺宰相太白守辰星國憂辰星先退有異姓王

太白未守辰星旬日不去客將死

漢質帝本初元年五月庚戌太白犯熒惑占為逆謀閏月一日帝為梁冀所鳩崩

晉成帝咸康三年十一月乙丑太白犯熒星于熒室四年乙巳太白晝在柳明年石季龍太冠河南遂陷邾城大肆殺掠十二月癸丑太白犯填星在箕七年慕容皝自為燕王八年太白犯熒惑于胃是後度大發兵謀伐石季龍專制上流穆帝永和四年熒惑入婁犯填星其年石季龍死冉閔殺石遵及諸胡十餘萬人

辰星犯歲星其國分野不安 辰星守歲星天非時降霜

辰星犯熒惑上妨太子下妨太尉司馬

辰星觸熒惑太子不安若離而復合大水漂山人主哭于宮

辰星守熒惑天下多死喪兵疫並起

辰星犯填星甘氏曰憂寒妨女主荊州占曰春多雨

辰星守填星憂霜雹秋多雨

辰星犯太白兵起有戰破軍殺將辰星在上客勝在下客負

辰星守太白為兵憂守之旬日不去主人兵不利將死

觀象玩占卷之五終



觀象玩占卷之六

歲星總叙

歲星一曰攝提又曰重華曰應星曰經星曰紀星東方青帝靈
威仰之神蒼龍之精木德之宿歲行一次十二年一周天與
太歲相應故謂之歲星人主之象主道德五常主仁五事為
貌失逆春令寒傷木氣則罰見歲星故歲星主春其日甲乙
其辰寅卯其卦震巽其音角其數八其帝太皞其神句芒歲星其
下有福逆之則怒為殃尤甚歲星主司天下諸侯人君之福主
齊吳以東之國又為農官主五谷所居之宿五谷蕃昌其對

為衝歲乃有殃歲星所在之國不可伐可以伐人所留之野
吉去之野凶

歲星行色變異占

甘氏曰歲星在春王色比左角大青而精光立春後滿七十二日後
十八日色黃仲春之時有芒角在冬相其色精光而無芒角
在夏休其色青黃無精光在四季因其色青微黃在秋死其
色細小不明此其常也如其常則天下和平

歲星當王時而有相色主弱臣強有休色人主病有囚色宜大
赦有死色大喪其進舍也有惡令其留守之舍有逆法有逐臣

當相時而有王色其國弱帶臣強有休色相罷有囚色相囚有死
色相死有此色者留守之舍國凶其進舍有兵其退舍也相
有逆謀不成

當休時而有王色其國有憂兵相色大水大臣誅有囚色百果
傷有死色五谷傷當囚時而有王色王政不行下反上有相色
貴臣專政六月降霜有休色謀不遂有死色貴臣誅有此色
者其留守之舍國有禍喪其進舍也有兵其退舍也將死
軍亡

當死時而有王色草木再榮有相色木枯更生有休色國有

土工有凶色大赦

歲星在齊魯東吳之國青徐州及揚充之域其色蒼如左角
及參左肩芒若变色而白有喪黑有疾疫亦有兵黃有喜
歲星色黃赤或黃白而明澤其歲大熟其分國有喜慶之事
色白多死喪青為虫蝗赤為兵黑為疾黃女主持政一曰歲
一星色青多獄事白多為兵色青白而不光潤兵獄並起

歲星变色而赤芒角其國大旱煖氣早未蝗虫為害人多疾疫
歲飢有兵

歲星变色而青芒角有土功 白芒角淫雨為灾人疾疫黑芒角

水潦為災霜雪殺物種不入土國有大憂

歲星在東方宿中色宜青而白角為兵青而黑為喪在南方宿中色宜赤而青為憂白角而怒有兵黑為在西方宿中色宜白而青有憂赤黑皆為兵在北方宿中色宜黑而青有憂赤為兵白角而怒亦為有兵起

焦貢曰歲星色黃而潤澤有年赤黑無年黃色潤澤立竿見影大熱一曰木星色青白青常色也變赤則主有憂黃有喜白為喪黑為疾病水災

正月歲星色黃赤色澤所居之野大穰黃白有喜慶賞事白正

人主有喪死之憂草木素服諸侯戒兵色白圓瘁而不光期三十日有兵喪

歲星失色白曜曜圓而楊赤芒王者暴誅大臣期九十日曰木
變色人主有怒若有芒角有軍戰不勝

歲星明大赤角所居國昌赤黃而沉其野大穰

歲星暗小所居國民多疾疫牛馬死

歲星明大而內實天下安寧小而內虛其國主不安

歲星始出小日益大者所居國利始出大日益小者國日耗

歲星乍大乍小其國凶乍明乍暗國憂主辱

歲星忽不見國亡乍見乍不見有喪

天官書曰歲星出入浮而沉其國有土功如沉而浮其野亡浮者見之沉者伏之

歲星芒角動搖其國凶

歲星芒角而怒所在兵起五谷不登

歲星有芒角天下安赤黃而角所居國昌人主以武强若戰無芒角不勝

歲星芒角所指者敗迎角而戰者亦敗

歲星芒角四正則天子心正角指邪天子亦邪外邪則外臣內邪則內人

歲星有芒而無角王者心平

歲星三角芒近臣傷內相誅期一百八十日

歲星五角芒天子自出將兵

歲星一角外射天子大使出三角兵有所誅

歲星七角且芒天子與四方戰期不出一年

歲星九角且芒天子殺賢臣誅邊將期不出一年

歲星芒且角皆為天子征伐四方

荊州占曰水星東行前芒短者欲留之象七日即正見南方芒指

子午卯酉正者指四維不正也西行前芒短不出三日留

水星留不行而芒角長出是星欲行也其芒南者星入外宿王者

欲遣大使之他國芒北入中宿者王者在外欲還芒指東欲
順行也不出七日逆行是天子欲誅大臣也

歲星王時當有芒角無芒角則主無威權在下

歲星動搖主喪亡期在衝荊州占曰歲星動從前後左右人
主不安

歲星至所宿居之安其國安居之不安則其國不安

歲星盈縮失事其國不可舉事用兵

歲星當出不出當入不入其國凶右星經云歲星出入不當必

有妖見其舍盈而東南不出三月乃生彗星本類星末類彗

長二丈盈而東北不出三月乃生天棓本類星末類長四縮而西南不出三月乃生天槍左右銳長數丈縮而西北不出三月乃生挽本類星末銳長二丈所見之國為喪為飢為亂為破軍亡地可舉事用兵

歲星超舍疾行曰盈其國兵出不復退舍曰縮其國將死軍破
歲日君治急則木星行急君治緩則木星行遲也

歲星當當疾而遲不及其次至二舍人主昏后妃持政國絕嗣
寇賊不禁

歲星起一舍二舍至于三舍侯王不寧不則地動退一舍至于三

會王者滅亡

歲星進退如度其國昌行道則天下和平失行入太陰道為水入太陽道為旱

歲星未當居而居之當去而不去之已去復還居之其國皆有福當居而不居之未當去而去之或已居之入東西去之或居之而或前或後或左右主人不寧國亦不安入曰歲星當居不居越而他之分主死國亡

歲星守正則王者心正國事正邪行則王者心邪國事邪者不行黃道也

石氏曰歲星順行列宿者喜也逆行有所凌犯皆為凶火又曰歲星逆行其國不可興兵星順則兵宜進逆行則兵宜退

歲星逆行其國不可以戰一曰君令逆則歲星逆行逆行入陰內事逆逆行入陽外事逆逆行則五谷不登有逐臣

郝萌曰歲星逆行當遲而疾失一次以上至二次則人主驚走社稷危亡天下兵起民去其鄉

歲星亂行五谷不實草木秋英

歲星一東一西害侯主人主不安一南一北害叅稷移而北旱移而南其國大水

歲星出氣為青穰明日大寒有小雨不出三旬魚鼈貴不過二十日止所在之國苗傷物少實民徒其不出二年布帛貴四倍

歲星出穰長三尺不出三出三日雨不則大霧

歲星在奎婁出四彗天下大豐人和

歲星晝見為臣強其地有兵晝見與日爭光武弱文強其歲大穰大臣謀逆凌其君主 歲星流國主亡天下更

歲星所辰之在不可抵抵當也假令在寅不可東北征者也欽也

此又曰歲星順行不可逆戰逆行不可向之而戰

歲星守諸舍色白其國敗常以春甲乙日候之變色則為災

晉惠帝永寧元年五星互經天縱橫無常其四月歲星晝見二年四月又見晝見於是齊王冏轉政專傲無君成都河間長沙東海諸王相繼執權互相誅戮天下遂亂晉氏滅亡

簡文帝咸安二年五月歲星形色如太白占曰主無福臣強是時桓溫專制明年帝崩

孝武帝太元十一年六月甲午歲星晝見在胃明年慕容垂寇東阿翟遼寇河上

安帝隆安二年歲星晝見在胃兖州分野是年鄧恢遣兵慕容寶于滑臺敗績

義熙七年七月丁卯歲星犯填星在參占曰益州不利亡地是時
朱齡石伐蜀後竟滅之

梁武帝天監四年六月壬戌歲星晝見其色黃潤立竿見影是時大
熟米斛三十錢帝自此崇尚文懦弱於佛說不循武備卒致
侯景之禍

唐文宗開成五年春歲星闇小無光占曰春木當王而歲星色闇
小將大有大喪是歲帝崩

熒惑總叙

熒惑一曰赤星一曰罰星曰執法曰天候南方赤帝赤熒惑之神

朱雀之宿火之精也其行無常出則有兵入則兵散熒惑居東

方為懸息西方為天理南方為熒惑進退無常燥急促疾故

曰熒惑五常為禮五事為視礼其卦離音微其數七其帝炎

熒惑進退無常燥急促疾故曰熒惑五常為禮五事為視礼其卦離音微其數七其帝炎

帝其神祝融熒惑主死喪主司天下君臣之過司驕奢亡乱

妖孽主歲成敗明照四方察過失以譴告人主者也主楚主

吳越以南諸國主憂

患遇惡禍福之所由生其國有道則疾行而東無道則留而

降罰為乱為賊為疾為喪為兵為飢所居之國受殃環繞勾

已芒角動搖变色乍前乍後乍左乍右其殃彌其周旋止息

為死喪寇亂其野亡地熒惑失行而連兵聚其下順之戰勝
又曰熒惑不動兵不戰有戰誅戮又曰熒惑為天子之禮內則
理政外則理兵從之者吉逆之者凶故曰雖有天子必視熒惑
之所在

熒惑行色變異占

甘氏曰熒惑在夏曰王色北心大星大而赤精光仲夏有芒角在
季夏曰休其色赤黃無精光

在春曰相其色精光無芒角 在秋曰囚其青白不明

在冬曰死其色黃細而不明此其常也此其常色如常則天下和

災感當王時而有相色相殺主聰有休色政令不行有囚色諛
臣用事有死色國有大喪其留守之舍不可舉事用兵其進
舍也其國不祥其退舍也其國有旱雷相時而有王色所居
國受殃有休色諛臣在旁有囚色國有捕囚有死色大臣誅
其留守之舍其國起兵其進舍也有蝗其退舍也赤地千里
當休時而有相色其邦亂臣不從令有王色其國受殃有囚
色有小兵有死色盜賊橫行廟堂有火其留守之舍國受殃
其進舍也災傷其退舍也利口危其邦

當囚時而有王色大臣有憂有相色臣下毀傷有休色休者

道路項領相望有死色丁壯從軍其進舍也有兵其退舍也有妖言其留守之舍道路不通

當死有王色宗廟不享有相色攝政有休色宗廟有大有休色壯丁多死于兵其留守之舍其下有兵其舍也多風其退舍也流水湯三日多晴

熒惑主荆楚以南荆州衝陽南盡南海其色比心大星及畢右股大星為政若变色而白雨水數至五谷不滋四鄙入堡民多疾有大喪变色而青蝗虫為災有暴風五谷晚熟國飢民流色而黑有大有死喪凍雹傷谷暴兵至

甘氏曰熒惑色赤黃發疾黑青發黃若赤一歲內發白色期二年青色期三年黑色期四年至五年以星行尺寸深淺為期應海中占曰熒惑色赤國有憂白亦憂色蒼天下多死喪其國尤甚熒惑春色赤百姓有憂冬色白大臣多尋

熒惑色蒼細小而無精白名曰進賊諛臣入國不有國亡必有亂國荊州占曰熒惑色黃而不明為變色其時不昌春不生夏不榮

秋不成冬不藏四時皆變色天下大荒人君以女樂亡入曰

熒惑色黑蒼凶蒼多黑少有喪蒼黑多有水蒼黑等蒼且水期六十日遠則三年熒惑正黑其國有水殃又曰熒惑一赤

一黃王公有殃

巫咸曰熒惑曰赤火光如煙大國亡人愁君子知小人蹙不
有乱臣必有大喪

熒惑無光先起兵者大敗

祁萌曰赤芒南方國利之日白芒西方國利青芒東方國利之
黑芒北國利之黃芒中國利之色黑而芒所居之野有殃

又曰熒惑色火赤而芒不出二年兵喪並起色黃所居之野
有土工色變正白冬有喪白圓而無光其野旱疫正白無芒
所居有男喪色蒼黑有水青角其國有兵憂春禾五谷草木不穀

又曰熒惑色青大大兵旱色变正赤其秋有兵

又曰熒惑始出色蒼多芒所居國飢有妖色赤而芒兵在外
大戰無兵兵起色黃多芒所居國主憂人曰赤土憂赤角主怒
熒惑赤大華然而芒其野有兵大而赤角有兵出攻戰客利

熒惑有芒角以戰背之利隨其所指而擊破軍殺將

熒惑出色怒赤逆行成勾己戰必有圍軍勾己有芒角如鋒刃人主
無芒大則人民衆怒君子違小人浪人欺吏吏欺王

熒惑如出大而日益小者其國不利始出小而日益大者其國
利上旬為陽國中旬為中國下旬為陰若星大赤兵出有功

小赤無功以日占國

熒惑小於常其國有兵喪

熒惑躍而浮沉人主用心悼憤

熒惑在列舍浮跳不安人主心邪無剛

熒惑赤白而光其所居有兵亂青光為雨黑光為水無光兵亂

熒惑出而有用行疾用武行遲用文

熒惑當出不出民流亡當入不入其所在國有憂

熒惑出而復入其國君死

熒惑失度妄出其分其始作火東則兵東火西則兵西南北亦如之

熒惑出東方順行則吉逆則國亡行一舍其國兵戰亡地

熒惑退行二舍為不祥其下有火災退至五舍大臣謀叛退行其色悴

小其國主憂若变色太子遂功臣死

熒惑逆行有所守其宿為旱為飢應在其年若復還順行而順

行色正者糴貴還賤

熒惑逆行有所守留其宿其分有破軍殺將有死軍返而還復故

道名曰饒跡其國大旱飢不復曰勾己其國凶災

熒惑出西方西逆行是謂反明天下更主其所宿國亡春秋元命

包曰商受無道熒惑反明

熒惑順行留守列宿二十八日以上與逆行不滿十日等順行留守三十日以上與逆十五日等各以此而推之

熒惑疾行而東命曰狡：者止其相死疾行而西命曰滑：者起其將死疾行而南命曰謬：人興有男子之喪疾行而北命曰賊乃作有女子之喪

熒惑從北入南不出三年其國有喪兵起南方是謂持水入火熒惑從南失行而北有兵兵罷天下旱是謂以火入水

熒惑出列宿之南為孽出列宿之北復入為盈逆為縮如是者其下心有殃禍伏屍積骨熒惑春夏失道南行為旱兵在陽

國秋冬失道北行疾為水必有破軍殺將

熒惑所在之國不利兵起若留守之心有禍殃石氏曰國將有
凶火星守之久留者其國絕祀荊州占曰火星所止三月以上
國憂相出走一曰相死亦曰大將死五月破軍亡地居之七月以
下地半亡居之九月地全亡又曰火守列宿二十日以上其國相死石
氏曰熒惑所留久其禍三年發亡地五百里居其陰萬家邑拔千
家邑驅掠居其陽萬家邑驅掠千家邑亡已去而復還守之其殃
尤甚從陰之陽亡地三百里從陽之陰亡地二百里從前之後亡地
二百里從後之前亡地三百里留其前六日人主太子死留其陰十

二日近臣死留其陽一月無庶子死留其前十二日王后死一日留其
後二十日相死留其陰五日上卿死留其前二十日太子死

災惑以庚辛日留天下有大兵大喪一日天子有喪三月以上其國亡

災惑出東方若西行疾至宿而留二十日以上去之而復還居之其所留
君死荊州占曰災惑出東方若西方遲留者其國不利留一月以上
為飢為兵又為喪四孟之月大臣受之四仲之月大臣受之四季之月
百姓受之

災惑变色失行所留者亡抵者兵往來疾期九十日還者不過

三年

熒惑行二十八宿乘其宿星有君在外留之三日戰敗大將死留五日破軍亡地留十日其國君死無軍在外而熒惑正乘其宿星留土日內亂荊州占日熒惑正乘列宿守之二十日以其分國內亂三十日以上相不死則走六十日主死九十日至六月殃及子孫去之又傷五谷去之七尺傷人民五尺四尺傷吏三尺二尺傷卿相去一尺傷主熒惑絕其宿星從北之南或從南之北其國空虛所居久者有兵軍在外熒惑不動戰凶有死將

熒惑自外來止其宿不可戰若逆行至其宿留三日止將死

留五日軍敗亡地留十日君死國亡

熒惑所留之國不可舉事用兵有破死將敗國亡家若越度亂
行其災尤甚

熒惑所之之宿其國有殃至者雖大當小居之久而殃至小及大

熒惑順行東方行疾則兵聚于東逆行西方行疾則聚于西

熒惑出北方不出其年起兵熒惑還而其兵不還者有殃

熒惑春出南方有喪不則旱飢群臣有憂

凡熒惑失次不依常行皆為大臣亂國有兵一曰其分大旱民流

大臣不利

熒惑出入進退皆之勝逆之敗芒角所指破軍殺將隨其所指

而擊之大勝

乙巳占曰如熒惑行在鶉火之次宜背午以戰及以月將加時宜北勝先以戰大勝

熒惑伏五月而出西方為內亂為更主

熒惑暈臣叛主巫咸曰熒惑白筆其角也兵氣赤色國主憂

熒惑出彗其下國亡地

熒惑出氣為赤孛明日大熱至夕大雨一日不出五月有賊百五十

日旱魚鹽貴二倍乃止

熒惑出氣長丈四尺有旱長一丈百日旱傷物大臣作亂其國飢荒

熒惑吐舌上出主憂下出民愁

熒惑生足故主殃新主立

熒惑晝見臣謀之所在分兵起大旱水竭 兩軍相當有雲獨掩

熒惑有復軍死將 邾萌曰熒惑出東方反行有小星擊之即去

其所宿之國受兵

熒惑貫小星殺小將

熒惑之陰有小星去四寸以內諸侯有陰謀熒惑之陽有小星去

四寸以內有小兵

熒惑之旁有二小星夾守之背四寸諸侯橫行

流星入熒惑國多譖臣天子備火 流星抵熒惑大旱飢

漢文帝後七年七月火東行畢陽環東北而西逆行至昴即南乃東
行占曰為喪死寇亂畢昴趙也其年帝崩

景帝元七三月癸未火入東井阡陰又以九月己未入與鬼成寅日出占
曰為誅伐又為火災後二年有栗氏事其後未央東關災

昭帝元始中熒惑在婁逆行至奎占曰富有兵其後漢兵伐烏桓

晉惠帝永寧二年熒惑太白于熒室占曰天下兵起亡君之戒一日

易相是時齊王同車傲無君成都河間長沙三王相承爭戰
攻焚宮闕公私飢困天下遂亂

入大安三年正月熒惑犯星星占曰有戰七月左將軍陳珍奉帝伐成都王敗績

穆帝升平二年八月戊午熒惑犯鎮星在張占曰兵大起五年十一月

丁卯熒惑犯歲星占曰有戰 臣匿謀時桓溫陰蓄不臣之心

安帝義熙十四年十月癸巳熒惑入太微犯西蕃上將乃順行至左掖門內留二十日乃逆行至恭帝元熙元年三月出西蕃上將三尺許又順還入太微時鎮星在太微熒惑繞之成勾己其年四月丙戌從端門出占曰熒惑勾己天廷天下更紀十二月瑯琊王踐祚是謂恭帝明年禪于宋

觀象玩占卷之六終